

Visoki predstavnik proširio mandat svog Specijalnog izaslanika Ulricha Buchera i na područje Gornjeg Vakufa

Visoki predstavnik, Wolfgang Petritsch, danas je proširio mandat svog Specijalnog izaslanika Ulricha Buchera i na područje Gornjeg Vakufa, stavljajući poseban naglasak na unapređenje procesa ponovnog ujedinjenja u ovoj opštini.

Nakon više od pet godina od potpisivanja Dejtonskog mirovnog sporazuma, Gornji Vakuf je i dalje, *de facto*, podijeljena opština. Ova situacija je neodrživa jer ne postoje zakonski osnovi za uspostavljanje dvije opštine. Srednjobosanski kanton, Federacija Bosne i Hercegovine, država Bosna i Hercegovina i međunarodna zajednica ne priznaju bilo kakvu podjelu takve vrste.

Ulrich Bucher je od 1999.god. na funkciji Specijalnog izaslanika Visokog predstavnika za Bugojno (Srednjobosanski kanton) i za opštinu Prozor-Rama (Hercegovačko-neretvanski kanton). Penzionirani oficir njemačke vojske, gospodin Bucher je također bio na nekoliko funkcija u njemačkom Ministarstvu vanjskih poslova, a 1998.god. se priključio Posmatračkoj misiji Evropske unije na Kosovu.